

後

漢

書

疏

證

後漢書疏證卷二十二

吳 沈欽韓撰

會稽郡

吳志孫亮太平二年以會稽東郡爲臨海郡州郡志吳

分章安立臨海縣又立始平

輿地記作南始平吳志黃龍三年會稽南始平言嘉

禾生木有南字元和羅陽

見吳志太元據會稽典錄舊唐志以爲是漢立

朱亦在未

羅江州郡志晉時

四縣孫皓改羅陽曰安陽

又孫休永安三年以會稽南部爲建安郡州郡志漢末

立漢興縣

吳更名吳興

又吳立昭武東安二縣

元和志吳永安三年置將

樂縣又建平縣吳分上饒縣地置詳見後

又孫皓寶鼎元年分會稽爲東陽

郡州郡志本會稽西部都尉

領縣九

長山

獻帝初平二年分烏傷立

康

赤烏八年分烏傷上浦立按

新安

獻帝初平三年分大未立吳寧

豐安二縣

與平二年孫氏分諸暨立

定陽

建安二十三年孫氏分新安立

平昌

赤烏二年

分大末縣立

### 山陰

通典越州山陰縣漢舊縣

元和志隋改爲會稽垂拱二年又割會稽西界別置山陰

水經注浙江逕會稽山陰縣有苦竹里里有舊城言句

踐封范蠡子之邑浙江又東與蘭溪合湖南有天柱山

一有亭號曰蘭亭浙江又東北得長湖口湖廣五里東西

百三十里沿湖開水門六十九所下溉田萬頃北瀉長

江元和志鏡湖後漢永和五年太守馬臻創立鏡湖築塘蓄水高丈餘田又高海丈餘若水少則洩湖灌田水多則岡湖洩田中水入海所以無凶年堤塘周迴三百十里溉田九千頃浙江又東北逕

重山西大夫文種之所葬也永建中

永建六年

陽羨周嘉上

書以縣遠赴會至難求得分置遂以浙江西爲吳以東爲會稽吳志董襲傳山陰宿賊黃龍羅周勃聚黨數千人策自出討襲身斬羅勃首晉書王凝之傳歷會稽內史王氏世事張氏五斗米道凝之彌篤孫恩之攻會稽寮佐請爲之備凝之不從方入靜室請禱出語討將佐曰吾已請大道許鬼兵相助賊且破矣既不設備遂爲孫恩所害謝琰傳朝廷憂孫恩以琰爲會稽內史恩後

復寇浹口入餘姚破上虞進及邢浦去山陰北三十五里琰遣參軍劉宣之距破恩既而上黨太守張虔碩戰敗羣賊銳進人情震駭咸以宜持重嚴備且列水軍於南湖分兵設伏以待之琰不聽賊既至尙未食琰曰要當先滅此寇而後食也跨馬而出廣武將軍桓寶爲前鋒殺賊甚多而塘路迤狹琰軍魚貫而前賊於艦中傍射之前後斷絕琰至千秋亭敗績

寰宇記山陰縣千秋亭一名柯亭帳

下都督張猛於後斫琰馬琰墮地與二子俱被害宋書孔顗傳太宗卽位時上流反叛上遣都水使者孔瑛入東慰勞瑛至說覲以都下資用已竭今南北並起

南則尋陽

北則遠近離叛若擁五郡之銳招動三吳事無不克覲  
然其言遂發兵馳檄會稽聞西軍稍近將士多奔亡覲  
不能復制士虞令王晏起兵攻郡覲憂遽不知所爲其  
夕率千餘人聲云東討實趣石渚先具海浦值湖涸不  
得去眾叛都盡門生載以小船竄於嵒山村晏至郡入  
自北門執尋陽王子房縱兵大掠嵒山村民縛覲送詣  
晏晏謂之曰此事孔璋之爲無豫卿事可作首辭當相  
爲申上覲曰江東處分莫不由身委罪求活便是君輩  
行意耳晏乃斬之東閣外注云嵒山者句踐肅戒臺按  
寰宇記稱郡國志嵒山一名  
稷山越王種葉於此後漢謝  
夷吾少爲嵒鄉耆夫是也

鄒

元和志明州鄒縣漢舊縣隋平陳省入句章通典東北

到大浹口七十里

寰宇記鄒國志云鄒縣有虞國冢一名雁栖墓昔國爲日南太守有雙雁

隨柩而歸會稽栖於墓上三年然後去方與勝覽以海人持貨貿易於此故名鄒

晉書孫恩傳

恩復入浹口高雅之敗績宋書武帝紀高祖追恩於滬濱及海鹽三戰并大獲俘馘以萬數恩自浹口奔臨海

烏傷

通典婺州金華縣漢烏傷縣地後漢分爲烏山縣

初平二年

隋志金華舊曰長山元和志義烏縣本烏傷縣武德四

年改爲義烏又永康

赤烏八年所立

東陽蘭溪武義浦陽五縣

皆烏傷縣地水經注浙江東逕烏傷縣北異苑曰東陽  
顏烏以淳孝著聞後有羣烏銜土塊助爲墳烏口皆傷  
以爲至孝所致故名縣穀水東逕長山縣南與永康溪  
水合溪水南出永康縣

諸暨

通典越州諸暨縣漢舊縣

興平二年分立吳寧豐安二縣劉昭以爲分大末立者非

也水經注浦陽江東逕諸暨縣與洩溪合溪廣數丈中

道有兩高山夾溪造雪壁立凡有五洩下洩懸三十餘  
丈中三洩懸百餘丈水勢高急上洩懸二百餘丈望若  
雲垂此是瀑布土人號爲洩也江水又東逕諸暨縣南



縣臨對江流江南有射堂縣北帶烏山先名上諸暨亦  
曰句無又穀水東逕烏傷縣之雲黃山又與吳寧溪水  
今水出吳寧縣入穀虞翻傳注吳寧  
斯敦代父死罪吳越春秋所謂越  
王都埤中在諸暨北界宋書孔覲傳吳喜進軍柳浦諸  
暨令傳琰歸順喜遣參軍沈思仁强弩將軍任農夫等  
率軍向黃山浦東軍據岸結寨農夫等攻破之乘風舉  
帆直趣定山破斬其大帥孫會之自定山進向漁浦戍  
主孔獻率千餘人據壘拒戰思仁縱兵攻之斬其軍主  
孔奴

餘暨

元和志越州蕭山縣本餘暨縣

州郡志吳更名永興舊唐志天寶元年更名蕭

山水經注浙江逕永興縣北縣在會稽東北百二十里

故餘暨縣也漢末童謠云天子當興東南三餘之間故  
孫權改曰永興縣濱浙江又東合浦陽江浙江又逕固  
陵城北昔范蠡築城於浙江之濱言可以固守謂之固  
陵今之西陵也又東逕柎塘謂之柎瀆吳志孫靜傳太  
守王朗拒策於固陵策數度水戰不能克靜說策曰朗  
負阻城守難可卒拔查瀆南去此數十里而道之要徑  
也宜從彼據其內所謂攻其無備吾當自帥眾軍爲前  
隊破之必矣策曰善便分軍夜投查瀆道襲高遷屯朗

大驚遣故丹陽太守周昕等帥兵前戰策破昕等斬之

遂定會稽董襲傳孫策入郡襲迎於高遷亭晉書虞潭傳遣長史孔坦

領前鋒過浙江追躡沈充潭次於西陵爲坦後繼孔顗

傳壽寂之濟自漁浦邪趣永興九域志蕭山縣有西興漁浦二鎮吳喜

自柳浦渡趣西陵西陵諸軍皆潰斬庾業顧法直吳恭

傳首京都進次永興同市水經注上虞江東逕周市而注永興同市當是周市之誤

遇覬所遣陸孝伯孔豫兩軍與戰破之斬孝伯豫首

太末

通典衢州龍邱縣漢太末縣新唐志貞觀八年更名龍邱元和志以爲晉置龍邱

未又信安縣後漢末分置初曰新安舊唐志領江常山

曉

二縣分信安置盈川縣分龍邱置

寰宇記錢鑾改頂川爲江山以龍邱爲龍

游

元和志處州遂昌縣本吳平昌縣

晉爲遂昌

水經注穀水

源出太末縣縣是越之西鄙姑蔑之地吳寶鼎中隸東

陽郡穀水又東定陽溪水注之水上承信安縣之蘇姥

布縣本新安縣

殷浩廢徙東陽之信安

其水分納眾流混波東逝

逕定陽縣夾岸緣溪悉生支竹芳支木連漢獻帝分信

安立溪亦取名吳志賀齊傳太末豐浦民反轉守太末

長陳表傳表所受賜復人二百家在會稽新安縣表簡

視其人皆堪好兵上疏乞以還官充足精銳孔覲傳鄧

琬遣臨川內史張淹自南路出東陽淹遣龍驤桂遑參

軍劉越緒屯據定陽縣沈思仁討之思仁遣軍主崔公烈攻其營斬幢主朱伯符桂遑等諸軍并奔逸

### 上虞

舊唐志越州上虞縣漢縣

通典漢故城在餘姚縣西

州郡志何承天

云漢末分上虞立始寧縣賀續會稽記順帝永建四年

分上虞南鄉置

劉昭注同何承天非是

水經注浦陽江東北逕始

寧縣嶧山之成功嶠

曹學佺云圖經稱謝立破符堅歸越人榮之磨石大書成功嶠三字

深刻其上嶠壁立臨江欹路峻狹不得併行二者率木稍進

不敢俯視自嶧山東北逕太康湖車騎將軍謝玄田居

所立浦陽江又東北逕始寧縣西本上虞之南鄉漢順

帝永建四年陽羨周嘉上書始分之江南有故城太尉  
劉牢之討孫恩所築江水東逕上虞縣南本司鹽都尉  
治縣南有蘭風山寰宇記縣西北二十五里晉書虞潭傳王含沈充  
等攻逼京都潭遂於本縣餘姚招合宗人及郡中大姓共  
起義軍眾以萬數進赴國難至上虞明帝手詔潭爲冠  
軍將軍領會稽內史劉牢之傳孫恩入會稽害謝琰牢  
之進號鎮北將軍率眾東征屯上虞分軍戍諸縣

剡

元和志越州剡縣漢舊縣故城今縣理西南一十二里  
吳賀齊爲令移理今所水經注剡縣開東門向江江廣

二百餘步江水翼縣轉注故有東渡西渡江邊有查浦  
浦東行二百餘里與句章接界浦裏有六里有五百家  
并夾浦居列門向水甚有良田江水北逕嶸山山下有  
亭吳志賀齊傳守剡長縣吏斯從輕俠爲奸齊欲治之  
主簿諫曰從縣大族山越所附今日治之明日寇至齊  
聞大怒便立斬從從黨遂相糾合千餘人舉兵攻縣齊  
率吏民開城門突擊大破之威震山越

餘姚

通典越州餘姚縣漢舊縣水經注江水東至黃橋下臨  
江有漢蜀郡太守黃昌宅橋本昌創建也又東逕赭山

南虞翻嘗登此山四望誠子孫可居江北世有祿位居

江南則不昌也又東逕餘姚縣故城南縣城是吳將朱

然所築

吳志朱然為餘姚長

南臨江津北背巨海西去會稽百四

十里因句餘山以名縣山在餘姚之南句章之北吳志

朱桓傳除餘姚長遷盪寇校尉授兵二千人使部伍吳

會二郡鳩台遺散期年得萬餘人

宋書虞丘進傳從高祖征孫恩至餘姚阿

浦破賊張騫追至海鹽故治及婁縣于蒲濤口與孫恩水戰又被重創

## 句章

寰宇記漢句章縣故城在明州鄞縣西水經注謝康樂

云句餘在餘姚鳥道山西北吳志妖賊許昌起於句章



自稱陽明皇帝與其子韶扇動諸縣眾以萬數堅以郡

司馬募召精勇得千餘人與州郡合討破之永安七年魏將新附

督王稚浮海入章句略長吏賞林及男女二百餘口宋書武帝紀牢之屯上虞使

高祖戍句章城城既卑小戰士不盈數千人每戰輒摧

鋒陷陣賊乃退還浹口五年春孫恩頻攻句章高祖屢

摧破之恩復走入海晉書孔瑜傳句章縣有漢時舊陂毀廢數百年愉自巡行修復故堰

溉田二百餘頃皆成良業

鄞

通典漢鄞縣故城在今明州鄞縣東南元和志明州奉化象山二縣本

漢鄞縣地州郡志前漢都尉治鄞後漢分會稽為吳郡疑都

尉徒治章安

按前志無治鄞文據虞翻傳注朱育對則陽朔元年東都尉嘗徙治鄞

章安

元和志台州臨海唐興二縣本章安縣吳分章安置臨

海

隋志臨海舊曰章安

南始平縣晉武改爲始豐上元二年改爲

唐興

寰宇記今爲天台縣又黃巖樂安二縣皆從章安所分

吳志呂岱傳會稽東

治五縣賊呂合秦狼等爲亂權以岱爲督軍校尉與將

軍蔣欽等將兵討之遂禽合狼五縣平定晉書孫恩傳

桓立用事恩復從寇臨海臨海太守辛景討破之恩窮

蹙乃赴海自沈妖黨及妓妾謂之水仙投水從死者百

數

彪志謂章安故治閩越地光武更名按治當作治州郡志漢武帝世閩越反滅之徙其民於江淮間遂虛

其地後有遁逃山谷者頗出立爲治縣屬會稽司馬彪云章安是故治然則臨海亦治地也張勃吳錄云閩越王治鑄地故云按閩王治此不應偏以受名蓋句踐冶鑄之所故謂之治乎後分治地爲會稽東南二部都尉東部臨海是也南部建安是也如沈志則治爲治之訛甚明白來三國志諸書或治或治錯見不一傳說已久矣然章安與治不得爲一縣彪志於此甚謬按前志有治有回浦後漢有章安無回浦則章安爲回浦之更名東部侯官爲治之更名通言之章安永甯同是治地沈約之言亦可通而非漢之治縣也會稽典錄朱育對太守濮陽興云元鼎五年除東越因以其地爲治立東郡都尉後徙章安陽朔元年又徙治鄞或有寇害復徙句章如育言章安與治不得爲一縣甚明其云東部都尉徙治所于鄞于章安後乃復于治縣立南部耳朱育漢末人比彪生于晉代者爲得其實

永甯

通典温州永嘉縣後漢永甯縣隋改名

隋志永嘉舊曰永甯

安固

縣吳曰羅陽後曰安陽晉改名

寰宇記今爲瑞安

元和志處州

松陽縣後漢分立麗水縣本松陽縣地

隋立括蒼縣大歷十四年改

又縉雲青田二縣分麗水置龍泉縣割遂昌松陽置吳志賀齊傳時王朗奔東治侯官長商升爲朗起兵策遣永甯長韓晏領南部都尉將兵討升以齊爲永甯長晏爲升所敗齊又代晏領都尉事升畏齊威名遣使乞盟齊因告諭爲陳禍福升遂送上印綬晉書盧循寇東陽攻永嘉劉裕討循至晉安宋書武帝紀桓立欲緝甯東土以循爲永嘉太守循雖受命而寇暴不已立復遣高祖東征破循於東陽循奔永嘉復追破之斬其大帥張

士道

東部侯官

元和志福州閩縣後漢爲東侯官吳改屬建安郡晉以

侯官爲晉安郡隋改爲閩隋志閩舊又建州建安縣本

東侯官漢又立建安縣遂因不改按州郡志無此縣

官爲建安南平漢興三縣又云割會稽南部以建安將

樂邵武建甯吳興延平東安侯官等大縣爲建安郡

又浦城縣本漢興縣吳永安三年改曰吳興又邵武縣

吳立昭武晉爲邵武寰宇記孫策置南平又將樂縣吳

永安三年置州郡志不注寰宇記又建陽縣吳分上饒

置建平縣上饒縣亦吳立晉改爲建陽寰宇記建陽本

詳見豫章郡

建安十年賀齊討上饒賊又泉州南安縣侯官縣地晉

置晉太元四年改爲建陽

爲晉安隋志南安舊曰晉安按州郡志吳立東安縣晉更名又立羅江縣本屬臨海晉度屬晉安郡

以上大略如此其他縣及漳汀二州唐時又更分置皆侯官縣地吳志虞翻傳太守王

朗拒戰敗績亡走浮海翻追隨營護到東部侯官侯官

長閉城不受翻往說之然後見納賀齊傳侯官既平而

建安漢興南平復亂

按此則三縣皆建安八年前所立樂史謂孫策置者良是齊進

兵建安立都尉府是歲八年也

考晉志建安郡有延平縣樂史祝穆皆云晉武

帝時爲延平縣則郡發屬縣五千兵各使本縣長將之

皆受齊節度賊洪明洪進苑御吳免華當等五人率各

萬戶連屯漢興吳五

姓吳名五六千戶別屯大潭鄒臨六千

戶別屯葢竹大潭同出餘汗

元和志補城縣梨嶺與饒州弋陽縣分界軍討

漢興經餘汗齊以爲賊眾兵少深入無繼恐爲所斷令

楊松長

按楊松當是松陽之訛亦是漢立沈志謂吳立者非

丁蕃留備餘汗蕃本

與齊鄰城

是時甯松陽同屬會稽

見恥部伍解不肯留齊乃斬蕃

於是軍中震慄無不用命遂分兵留備進討明等連大

破之斬明其免當進御皆降轉擊葢竹大潭三將又降

凡斬首六千級名帥盡禽復立縣邑料出兵萬人拜爲

平東校尉十年轉討上饒分以爲建平縣孫皓建衡元

年遣監軍李勗督軍徐存從建安海道就合浦擊交趾

李勗以建安道不通利殺導將馮斐引軍還鳳皇三年

郭誕坐不白妖言送付建安作船陸凱傳徙凱家於建

安

州郡志原豐縣太康三年省建安與船校尉立元按和志吳於此立典船都尉主誦徙之人作船於此

彪志於此縣作東部侯國晉志云後漢改爲侯官都尉

洪氏隸釋謂彪志故回浦章帝更名東侯官故治閩越

地光武更名於文乃足此郡之末有東部侯國四字卻

是衍文洪氏知章安東侯官之爲前漢回浦治而不知

彪志東部侯國乃東部侯官之訛蓋東部侯官乃四字

縣名或省作東侯官而晉志誤云侯官都尉也今輒以

虞翻傳爲定

吳郡



州郡志吳時分吳郡無錫以西爲毘陵典農校尉太康

二年立爲毘陵郡

吳

通典蘇州吳縣漢舊縣

元和志萬歲通天元年所置長洲縣

又常熟縣吳

縣地吳司鹽都尉署吳平割屬暨陽縣晉立南沙縣隋

改爲常熟縣

隋志常熟舊曰南沙按晉志又有海虞州郡志晉太康四年分吳縣之虞鄉立成帝

咸康七年罷鹽署立以爲南沙縣舊唐志晉置海虞縣

梁改常熟縣今崑山縣東一百三十里常熟故城是隋

舊治南沙城唐武德七年移於今所治城吳志曹公表

按此則常熟當是海虞隋特移縣於南沙

權爲討虜將軍領會稽太守屯吳使丞之郡行文書事

按孫策亦治吳太史慈傳解縛署門下督還吳授兵劉  
繇亡於豫章策命慈往撫安餞送昌門呂範傳還吳遷

都督是也權於建安十六年徙治秣陵中間有屯京事  
元和志建安十四年自吳徙理丹徒以徐夫人傳考之  
當在是時也權既治吳朱治又領吳郡太守不應并專  
一城故表治爲九真太守只以婁由拳無錫毘陵爲奉  
邑權既徙都則晉書成帝紀咸和五年石勒將劉徵寇  
朱治應還治吳南沙都尉許儒遇害進入海虞七年勒將韓雍寇南沙  
及海虞虞潭傳遣督護沈伊距管商於吳縣爲商所敗  
潭自走貶還節峻平還復吳郡修滬瀆壘以防海抄顧  
眾傳時吳國內史庾水奔於會稽峻以蔡謨代之前陵  
江將軍張慙爲峻收兵於吳眾遣人喻慙慙從之眾乃  
遣郎中徐機告謨曰眾已潛合家兵待時而奮又與張  
慙剋期效節謨乃檄眾爲督護眾從弟颺爲前鋒督護

吳中人士同時響應要擊峻將弘徽於高祚大破之謨

以冰當還任故便去郡冰至鎮御亭

寰宇記輿地志御亭在吳縣西六十

里吳大帝所立開皇九年置

爲驛李襲譽改爲望亭驛恐賊從海虞道入眾自往

備之而賊率張健馬流攻無錫颺等大敗庾冰亦失守

健等遂據吳城眾自海虞由婁縣東倉與賊別率交戰

破之義軍又集進屯烏苞海西公紀降封帝爲海西縣

公徙居吳縣

通鑑徙於吳縣西柴里

敕吳國內史刁斐防衛妖賊

盧悚遣弟子殿中監許龍晨到其門稱太后密詔奉迎

興復帝曰我得罪於此幸蒙寬宥豈敢妄動且太后有

詔便應官屬來何獨使汝也汝必爲亂因此左右縛之

龍懼而走

宋書少帝幽於吳郡徐羨之等使中書舍人邢安泰弑帝於金昌亭

孫恩傳吳

國內史袁山松築扈瀆壘緣海備恩明年恩復入浹口

轉寇扈瀆害袁山松

寰宇記袁山松城去縣東北百里今爲陂湖所衝已平毀范成大曰

列竹於海濱曰滬今之滬瀆是也

### 海鹽

舊唐志蘇州海鹽縣漢縣又杭州鹽官縣漢鹽縣地有

鹽官吳遂名縣

州郡志吳郡鹽官縣漢舊縣按前志海鹽縣下云有鹽官非縣別有鹽官也沈

約引吳記云鹽官本屬嘉興吳立爲海昌郡尉治此後改爲縣攷陸遜傳出爲海昌屯田都尉并領縣事裴松之曰海昌今鹽官縣然則吳於海鹽立海昌都尉遜以都尉領縣後方以海昌爲鹽官縣吳記所言甚核而沈約反以爲非水經注谷水東南逕鹽官縣故城南舊吳今從舊唐志

海昌都尉治晉太康中分嘉興立太康地道記吳有鹽官縣谷水之右有馬皋城故司鹽都尉城是以漢志曰縣有鹽官東出五十里有武原鄉縣淪爲柘湖徙治武原鄉漢安帝時武原之地又淪爲湖今之當湖也後乃移此谷水於縣出爲澉浦以通巨海吳志永安七年海賊破海鹽殺司鹽都尉駱秀宋書武帝紀孫恩北出海鹽高祖追而翼之築城於海鹽故治賊日來攻城城內兵力甚弱高祖乃選敢死之士數百人咸脫甲冑執短兵并鼓譟而出賊震懼奪氣戰雖連克然眾寡不敵高祖獨深慮之一夜偃旗匿眾明晨使羸疾數人登城賊

遙聞劉沛所在曰夜已走矣賊信之乃率眾大上高祖奮擊大破之恩知城不可下乃進向滬瀆高祖迫之海鹽令鮑陋遣子嗣之以吳兵一千請爲前驅高祖曰賊兵甚精吳人不習戰若前驅失利必敗我軍可在後爲聲援不從是夜高祖多設伏兵兼置旗鼓然一處不過數人明日賊率眾萬餘迎戰前驅旣交諸伏皆出舉旗鳴鼓賊謂四面有兵乃退嗣之追奔爲賊所殺高祖慮不免至向伏兵處乃止令左右脫取死人衣賊謂當走反停疑猶有伏高祖因呼更戰乃引軍去

烏程

通典湖州烏程縣漢舊縣

寰宇記今分置歸安縣

又武康縣漢烏

程縣之餘不鄉地

州郡志吳分烏程餘杭立永安縣太康元年更名按南史沈約傳又云靈

帝中平五年所分據吳志孫瑜傳瑜時已

有永安縣瑜卒於建安中或是漢所立元和志天授

二年又析武康置武原縣天寶改爲德清又長城縣本

烏程縣地晉太康三年分置

昔閩間使夫概王居此以築城狹而長因以爲名寶

宇記今改爲長興

吳志吳錄曰時有烏程鄒他銅錢及前合浦

太守嘉興王晟

策時嘉興爲由拳

等各率聚眾萬餘或數千引

兵撲討皆攻破之

程普傳進破烏程石木波門陵傳餘杭普功爲多按地多無攷疑有誤

寶鼎元年永安山賊施但等聚眾數千人劫皓庶弟永

安侯謙出烏程取孫和陵上鼓吹曲蓋比至建業眾萬

餘人丁固諸葛靚逆之於牛屯大戰但等敗走謙自殺

晉書王舒傳以顧眾督護吳晉陵軍屯兵章埭

寰宇記章溪在

陽羨縣西南三十五里章浦亭在縣西二十五里周札封漳浦亭侯即此按原本札誤爲處

吳興太

守虞潭率所領討健屯烏苞亭并不敢進時暴雨大水

賊管商乘舩旁出襲潭及眾

寰宇記昇山在烏程縣東二十里烏亭在昇山上意

即是烏苞亭也潭等奔敗潭還保吳興眾退守錢唐於是賊轉

攻吳興潭諸軍復退賊掠東遷

太康三年分烏程立

餘杭武康諸

縣舒遣子允之行揚烈將軍以精銳三千輕邀賊於武

康出其不意遂破之斬首數百級通鑑泰始二年吳喜

軍至義鄉

州郡志長城陽羨二縣所分

孔琬屯吳興南亭太守王曇



生詣瑛計事聞臺軍已近瑛大懼墮牀曰懸賞購賊惟我而已今不走將爲人擒遂與曇生奔錢唐喜太吳興餘杭

舊唐志杭州餘杭縣漢縣

元和志吳分餘杭立臨水縣晉改爲臨安隋亂廢垂拱四

年巡撫使狄仁傑奏置

又臨安縣垂拱四年置於廢臨水縣吳志

吳錄曰策自討嚴白虎虎高壘堅守使其弟輿請和許之輿請獨與策會面約既會策引白刃斫席輿體動策知其無能也乃以手戟投之立死輿有勇力虎眾以其死也甚懼進攻破之虎奔餘杭投詐昭于虜中

毘陵

舊唐志晉陵縣漢毘陵縣元和志武晉縣晉別置武進

縣於丹陽縣東五十里梁武改武進爲蘭陵隋省入晉

陵垂拱二年又分晉陵西界立又江陰縣本毘陵縣之

暨陽鄉晉太康二年置暨陽縣梁置江陰郡隋罷郡爲

縣水經注丹徒縣北二百步有故城本毘陵郡治也按

時毘陵郡所舊去江三里岸稍毀遂至城下吳志建安

二十三年權將如吳親乘馬射虎于陵亭寰宇記陵亭

五十里與丹馬爲虎所傷常從張世擊以戈獲之晉書

蘇峻傳管商及弘徽進攻陵亭壘督護李閔及輕車長

史滕含擊破之斬首千級商率眾走延陵李閔與陵亭

諸軍追之斬獲數千級商詣庾亮降

顧眾傳眾進往吳城遣督護朱祈等

几軍與蘭陵太守李閔共守陵亭張健遣馬流陶陽張等往攻之閔與祈等逆擊大破之斬首二千餘級

閔傳行征虜將軍與振威將軍陶回共督丹陽義軍閔

到晉陵使內史劉耽盡以一部穀并遣吳郡度支運四

部以給車騎將軍郝鑒宋書孔覲傳前鋒軍已渡浙江

吳郡太守顧琛遂據郡同反吳興太守王曇生義興太

守劉延熙晉陵太守袁標一時響應太宗遣振威將軍

沈懷明東討張永係進覲所遣孫曇瓘等頓晉陵九里

郛陳甚盛懷明至奔牛所傾寡弱乃築壘自固齊王率

軍東討與張永劉亮杜幼文沈懷明於晉陵九里西與

東軍相持義興軍旣爲吳喜所破奔散者多投晉陵東  
軍震恐上又遣積射將軍江方興御史王道隆至晉陵  
視賊形勢賊帥孫曇瓘程捍宗陳景遠凡有五城互相  
連帶捍宗城猶未固道隆便率所領急攻之俄頃城陷  
斬捍宗首賊連柵周亘塘道迫狹將士力不得展亮乃  
負楯而進直入重柵眾軍因之卽皆摧破袁標遣千人  
繼至齊王蕭道成與永等乘勝馳擊又大破之屠其兩城  
臺遣軍主張靈符卽晉陵齊王急攻之其夜孫曇瓘陳  
景遠一時奔潰諸軍至晉陵袁標棄郡東走晉陵平

丹徒

舊唐志潤州丹徒縣漢舊縣吳爲京口成晉置南徐州

按晉世只爲徐州州郡志元嘉八年更以江北爲南兖州江南爲南徐州治京口隋爲延陵縣

隋志丹徒縣廢入延陵州郡志孫權嘉禾三年改曰武進太康三

年復曰丹徒

元和志京上郡城城前浦口東浦亦謂之潤浦隋置潤州取此互父山在縣西北十

里土俗亦謂之金山吳志孫皓傳伯父河屯京城韶年十七收河

眾繕治京城權引軍歸吳夜至京城下營試攻驚之兵

皆乘城傳檄備警謹聲動地頗射外人權使曉諭乃止

明日見韶甚器之卽拜丞烈校尉統河部曲阿爲奉邑

子楷代爲京下督

顧承傳出爲京下督

天璽元年徵楷爲宮下鎮

驃騎將軍

樓玄傳爲宮下鎮禁中侯主殿中事持刀侍衛又有樓下都尉何定爲之蓋主宿衛同漢

衛尉初永安賊施但等襲建業或曰楷二端不卽赴討者

皓數遣詣楷楷常惶怖而卒被召遂將妻子親兵歸晉

黃武元年曹休使臧霸以輕船五百敢死萬人襲攻徐

陵

寰宇記京口北爲徐陵丹徒縣之西鄉京口理也按華覈傳封徐陵亭侯

燒攻城車殺略

數千人將軍全琮徐盛追斬魏將尹廬殺獲數百天紀

三年吳主遣徐陵督陶濬將七千人擊交趾郭馬晉書

郝鑒傳咸和初領徐州刺史蘇峻反遣將軍夏侯長等

開行謂平南將軍溫嶠曰今賊謀欲挾天子東入會稽

宜先立營壘屯據要害旣防其越逸又斷賊糧運然後

靜鎮京口清壁以待賊嶠深以爲然及陶侃爲盟主鑒

率眾渡江與侃會於茄子浦

孔坦傳坦議以爲不宜召  
郗公使東門無限今宜遣

還雖晚猶勝不也始令鑒  
還據京口郭默屯大業

會戰不利與後將軍郭默還

丹徒立大業

郭默傳曲阿  
北大業里

曲阿凌亭三壘以拒賊而賊

將張健來攻大業城中乏水郭默窘迫遂突圍而出三

軍失色會峻死大業圍解鑒遂城京口蔡謨傳太尉郗

鑒疾篤出謨爲太尉軍司鑒卒卽拜爲征北將軍領徐

州刺史石季龍於青州造船數百艘掠緣海諸縣朝廷

以爲憂謨遣龍驤將軍徐立等守中洲并設募得賊大

白舩者賞布千匹小船百匹所統七千餘人東至土山

西至江乘鎮守八所烽火樓三十餘處隨宜防備甚有

算略王恭傳鎮京口謀誅王國寶王緒遣使與殷仲堪  
桓玄相結乃抗表京師道子收國寶賜死斬緒於市深  
謝愆失恭乃還京口庾楷復說恭舉兵司馬劉牢之曰  
將軍伯舅之重相王姬旦之尊昔年已戮寶緒送王廐  
書是深伏將軍也頃所授用雖非皆允未爲大失割庾  
楷四郡以配王愉于將軍何損晉陽之師其可再乎恭  
不從劉牢之反恭遺其壻高雅之子敬宣因恭曜軍輕  
騎擊恭恭敗將還雅之已閉門恭與弟履單騎奔曲阿  
宋書武帝紀孫恩乘勝浮海奄至丹徒戰士十餘萬劉  
牢之猶屯山陰京口震動高祖倍道兼行自海鹽與賊俱



至於時眾力既寡加以步遠疲勞而丹徒守軍莫有關  
志恩率眾數萬鼓譟登蒜山居民皆荷擔而立高祖率  
所領奔擊大破之投嚙赴水死者甚眾恩以鼓排自載  
僅得還舩

元興元年

桓立從兄修以撫軍鎮丹徒以高祖爲

中兵參軍三年二月高祖託以遊獵與何無忌等收集  
義徒凡同謀無忌等二十七人願從者百餘人詰旦城  
開無忌著傳詔服稱詔居前義眾馳入齊聲大呼吏士  
驚散卽斬修以徇修司馬刁弘率文武佐吏來赴高祖  
登城謂之曰郭江州已奉乘輿反正於尋陽我等並被  
密詔誅除逆黨同會今日賊立之首已當梟於大桁矣

諸君非大晉之臣乎今來欲何爲弘等收眾而退

# 曲阿

舊唐志潤州丹陽縣漢曲阿縣又改名雲陽後復爲曲

阿州郡志嘉禾二年復曰雲陽太康二年復曰曲阿吳志赤烏十年雲陽言黃龍見顧邵傳陽羨張秉爲

雲陽太守則無可攷天寶元年改爲丹陽縣通典漢所領丹陽縣非今縣也又延

陵縣漢曲阿縣地州郡志太康二年分曲阿之延陵鄉立又金壇縣垂拱

四年分延陵縣置元和志隋於此置金山府吳志劉繇傳袁術在淮

南繇畏憚不敢之州欲南渡吳景孫賁迎置曲阿以景

賁術所授用皆追逐使去太史慈傳劉繇與慈同郡暫

渡江到曲阿見繇會孫策至使慈偵伺輕重時獨與一

騎卒遇策策從騎十三皆韓當宋謙黃蓋輩也慈便前

圖策刺慈馬墜得慈項上手戟慈亦得策兜鍪會兩家

兵騎並各來赴於是解元和志神亭在延陵縣西北二十五里孫策謂太史慈曰甯識

神亭時耶卽此晉志張閭傳補晉陵內史所部四縣并以旱失

田閭乃立曲阿新豐塘溉田八百餘頃每歲豐稔葛洪

爲其頌王廐傳王恭舉兵假廐建武將軍吳國內史令

起軍助爲聲援廐自謂義兵一動勢必未甯可乘閒取

富貴曾不旬日國寶賜死恭罷兵符廐去職廐大怒迴

眾討恭恭遣司馬劉牢之距戰於曲阿廐眾潰奔走遂

不知所在宋書竟陵王誕傳元凶弒立世祖入討誕遣

參軍劉季之與庾彬之并勢劭遣將軍華欽庾導東討  
相逢於曲阿之奔牛塘路甚狹左右皆急入菰葑彬之  
軍人多齎籃屨於菰葑中夾射之欽等大敗

由拳

舊唐志蘇州嘉興縣漢由拳縣

吳志黃龍三年由拳野  
稻自生改爲禾興亦烏

五年立子和爲太子大赦改禾興爲嘉興州郡志以爲  
孫皓改者誤寰宇記故由拳縣在今縣南五里又秀州  
華亭縣嘉興縣地天寶十載  
置錢元瓘置秀州縣改屬水經注谷水出吳水湖逕

由拳縣故城下神異傳曰秦時長水縣也有童謠曰城  
門當有血城陷沒爲湖有老嫗憂懼旦往窺城門門侍  
欲縛之嫗言其故嫗去後門侍殺犬以血塗門嫗又往

見血走去不敢顧忽有大水長欲沒縣主簿令幹入白  
令令見幹曰何忽作魚幹亦曰明府亦作魚遂乃淪陷  
爲谷矣吳記曰谷中有城故由拳縣治也卽吳之柴辟  
亭故就李鄉橋李之地吳志朱治傳治從錢唐欲進到  
吳吳郡太守許貢拒之於由拳治與戰大破之

安

錢大昕曰安卽婁之壞字因婁訛爲安校書家不能是  
正疑有脫漏又增婁於無錫之後并改十二城爲十三  
城錢不知本脫錢唐縣按劉昭于此注引越絕與前志分注大略  
僅同洵爲婁縣之訛

富春

元和志杭州富陽縣本漢富春縣

州郡志晉簡文鄭太后諱春孝武改曰富

陽

又新城縣本富春縣地又睦州桐廬建德壽昌三縣

皆漢富春縣地吳黃武四年分置

州郡志吳立新城縣後并桐廬晉咸和九

年又立新昌縣太康元年更名壽昌寰宇記永清元年分富陽地又置新城縣又睦州分水縣本桐廬之西鄉如意元年析置盛武縣神龍元年改爲分水水經注浙江東北逕建德縣南

又東逕壽昌縣南自建德至此八十里中有十二瀨瀨

皆峻險紫溪東南流逕桐廬縣東爲桐溪自縣至於潛

凡十有六瀨第二是嚴陵瀨桐溪又東北逕新城縣入

浙江浙江又東北入富陽縣江南有山孫武皇之先所

葬也漢末墓上有光如雲屬天吳志黃武五年分三

郡惡地十縣置東安郡以全琮為太守吳錄曰郡治富春

陽羨

通典常州義興縣漢陽羨縣故城在南隋志義興舊曰

義鄉國山臨津三縣廢入州郡志晉惠帝永興元年分

吳興之陽羨丹陽之永世立義興郡義鄉國山臨津三

縣同郡立寰宇記吳志天璽元年陽羨山有空石長十

餘丈名曰石室在所表為大瑞乃遣兼司徒董朝兼太

常周處至陽羨縣封禪國山寰宇記國山在縣西南五十里晉書周玘

傳初吳興人錢璜亦起義兵討陳敏東海王越命為建武將軍使率其屬會於京都璜聞劉聰逼洛陽畏慙不

敢進帝促以軍期璿乃謀反殺度支校尉陳豐焚燒邸

閣自號平西大將軍劫孫皓子充立爲吳王旣而殺之

來寇玘縣元帝遣將軍郭逸討之并以兵少未敢前

玘復率合鄉里義眾與逸等俱進討璿斬之玘三定江

南石水陳敏錢璿開復王略帝以玘勲誠并茂以陽羨及長城

之西鄉丹陽之永世別爲義興郡以彰其功州郡志永世尋還丹

陽宋書孔覲傳五郡并反太宗以庾業代劉延熙爲義

興太守業至長塘湖卽與延熙合太宗遣殿中將軍杜

敬眞建武將軍吳喜分趣義興吳喜傳議者以喜刀筆主者不嘗爲將不可遣

中書舍人巢尚之曰喜昔隨沈慶之屢給軍旅性旣勇決又習戰陣若能任之必有成績諸人紛紛皆是不別



才耳喜乃率竺超之杜敬真馬步東討喜等至國山縣界遇東軍於虎檻

村擊大破之自國山進吳城去義興十五里劉延熙遣  
楊玄孫燭之沈靈秀黃泰四軍拒喜喜交戰盡日臨陣  
斬玄孫黃泰餘眾一時奔走因進義興南郭外延熙屯  
軍南射堂喜遣步騎擊之即還退水北乃柵斷長橋保  
郡自守寰宇記長橋在縣城前二十步喜築壘與之相持庾業於長塘  
湖口夾岸築城有眾七千餘人器甲甚盛與延熙遙相  
接角沈懷明張永與晉陵軍相持久不決太宗每遣軍  
輒多所求須不時上道外監朱幼舉司徒參軍任農夫  
驍果有膽力乃以千人配之使助東討農夫於延陵出

長塘賊築城猶未合農夫率廣武將軍高尙之永興令  
徐崇之馳往攻之大破之庾業棄城走農夫收其船仗  
進援吳喜喜乃渡水攻郡分兵擊諸壘柵農夫雖至眾  
力尙少兵勢不敵喜乃與數騎登高東西指麾若招引  
四面俱進者東軍大駭諸營奔散惟龍驤將軍孔叡一  
柵未拔喜以殺傷者多乃開圍緩之其夜庾業孔叡相  
率奔走義興平劉延熙投水死

無錫

通典常州無錫縣漢舊縣

州郡志吳省太康三年復立

晉書王舒傳

蘇峻聞舒等兵起乃赦庾亮諸弟以悅東軍庾冰顧颺

等遣前鋒進據無錫遇賊將張健等數千人交戰大敗

奔還御亭復自相驚擾颺等并退於錢唐

陸羽遊慧山寺記慧山古

華山也華山在吳城西北一百里山東峯當周秦間大產鉛錫至漢興錫方殫故創無錫縣後漢有樵客山下得銘云有錫兵天下爭無錫甯天下清有錫殄天下弊無錫又天下濟自光武至孝順之世錫果竭

婁

舊唐志蘇州昆山縣漢婁縣梁分婁縣置信義縣又分

信義置昆山縣

隋志信義廢入常熟

通鑑咸和六年趙將劉徵復

寇婁縣掠武進宋書荊恩傳從征孫恩於婁縣戰箭中

左目

補

錢唐通典杭州錢唐縣漢舊縣水經注浙江又

東逕靈隱山山在四山之中有高厓洞穴左右有石室

三所又有孤石壁立大三十圍其上開散狀如蓮花昔  
有道士長往不歸或因以稽留爲山號山下有錢唐故  
縣浙江逕其南縣有武林山武林水所出浙江又東合  
臨平湖孫皓天璽元年吳郡上言臨平湖自漢末歲塞  
今更開通又於湖邊得石函函中有小石刻作皇帝字  
於是改天冊爲天璽元年孫盛以爲元皇中興之符徵  
也吳志堅年十七與父共載舩至錢唐會海賊胡玉等  
從匏里上掠取賈人財物方於岸上分之行旅皆住舩  
不敢進堅行操刀上岸以手東西指麾若分部人兵以  
羅遮賊狀賊望見以爲官兵捕之卽委財物散走堅追

斬得一級以還父大驚由是顯聞

豫章郡

州郡志漢獻帝興平元年孫策分豫章立廬陵郡有西

昌東昌吉陽巴丘興平陽城高昌新興八縣皆吳立

策分豫章為廬陵郡以弟輔為廬陵太守建安十五年孫權分豫章立鄱陽

郡治鄱陽縣赤烏八年徙治吳芮故城有廣昌上饒葛

陽樂安四縣皆吳立寰宇記雷次宗豫章記云靈帝末揚州刺史劉遵上書請置廬陵郡

陽二郡獻帝興平元年始立郡孫亮太平二年分豫章東部都尉立臨

川郡有西平新建永城宜黃南豐東興安浦七縣皆吳

立孫皓寶鼎二年分豫章廬陵長沙為安成郡有新安

喻永新萍鄉三縣皆吳立

永新先見呂岱傳立在郡前  
寰宇記按地志吳分豫章之

新喻宜春廬陵之平都永興長  
沙之安成萍鄉六縣爲安成郡又廬陵南部都尉有陽

都平陽安南揭陽四縣皆吳立又曰陂陽先已爲縣疑

是吳所立而改曰揭陽也

晉太康三年  
爲南康郡

## 南昌

通典洪州南昌縣漢舊縣隋改爲豫章縣

寶應元年  
改爲南昌又

豐城縣吳分南昌置富城縣晉太康元年改爲豐城

寰宇

記新建縣南昌縣地太平興國六年割南昌縣置又新

吳縣隋廢唐永淳二年又置僞唐改爲奉新州郡志中

平中立

新吳縣水經注贛水又歷白社西有徐孺子墓吳嘉禾

中太守長沙徐熙於墓隧種松太守南陽謝景於墓側

立碑永安太守梁郡夏侯嵩於碑傍立思賢亭松大合  
抱亭世修治至今謂之聘君亭贛水北逕南昌縣故城  
西城南門曰松陽門門內有樟樹高七丈五尺大二十  
五圍枝葉扶疏垂蔭數畝此樹常中枯逮晉永嘉中一  
旦更茂豐蔚如初咸以爲中宗之祥贛水又北逕南昌  
左尉廨西漢成帝時九江梅福爲南昌尉居此贛水又  
逕椒丘城下建安四年孫策所築按魏志華歆傳注曰孫策在椒丘遭虞翻  
說歆歆遂迎朱謀璋曰椒丘是華歆於郡贛水又歷釣  
下臨江築城以備策見雷次宗豫章記  
圻閣下度支校尉治吳志劉繇亡於豫章士燮萬餘人  
未有所附策命慈往撫安焉江表傳策謂慈曰劉牧往贛吾爲袁氏撫校求公歸

及絕之本末如此今彼喪亡恨不及其生時與共論辨  
今兒子在豫章不知華子魚待遇何如其故部曲復依  
隨之否鄉則州人昔又從事盜能往視其兒子並宣孤  
意於其部曲部曲樂來者便與俱來不樂來者且安慰  
之并觀察子魚所晉書周訪傳杜弼將張彥陷豫章焚  
以牧禦方規何如燒城邑王敦時鎮湓口遣督護繆羝李恒受訪節度共  
擊彥羝於豫章石頭與彥交戰彥軍退走訪率帳下將  
李午追彥破之臨陣斬彥水經注贛水逕鄒北爲津步  
津步之處按殷浩傳父羨爲豫章太守都下人士因其  
致書者百餘函行次石頭皆投之水中曰殷洪喬不爲  
昌縣石頭渚時號爲投書渚時訪爲流矢所中折前兩  
齒形色不變及暮訪與賊隔水賊眾數倍自知力不能  
敵乃密遣人如樵採者而出於是結陣鳴鼓而來大呼



曰左軍至士卒皆稱萬歲至夜合軍中多布火而食賊謂官軍益至未曉而退通鑑義熙六年何無忌自尋陽引兵拒盧循長史鄧潛之諫曰國家安危在此一舉問循兵艦大盛勢居上流宜決南塘守二城以待之

水經注贛

水北厯南塘塘東有徐孺子宅城東大湖十里二百二十六步北與城齊南緣迴折至南塘本通章江增減與江水同漢永元中太守張躬築塘以通南路兼遏此水

彼必不敢捨我遠不蓄力

養銳俟其疲老然後擊之此萬全之策也今決成敗於一戰萬一失利悔將無及參軍殷闡曰循所將之眾皆三吳舊賊百戰餘勇始興溪子拳捷善鬪未易輕也將軍宜畱屯豫章徵兵屬城兵至合戰未爲晚也若以此

眾輕進殆必有悔無忌不聽與徐道覆遇於豫章賊令  
强弩數百登西岸小山邀射之會西風暴急飄無忌所  
乘小艦向東岸賊乘風以大艦逼之眾遂奔潰無忌厲  
聲曰取我蘇武節來節至執以督戰賊眾雲集無忌詞  
色無撓握節而死中外震駭宋書臧質傳世祖卽位以  
質爲都督江州至尋陽刑  
政慶賀不復諮稟益  
日鉤圻米輒散用之

## 建城

通典洪州高安縣漢建城縣

寰宇記僞唐於高唐置錦  
州又析置萬載縣後漢靈

帝析建城置上蔡縣顧野王輿地志云汝南上蔡人分  
徙於此縣吳又置陽樂宜豐二縣按州郡志靈帝中平  
中立上蔡太康元年更名望蔡又黃武中立陽樂太水  
康元年更名康樂而不言宜豐据晉志有之蓋宋省

經注濁水出康樂縣故陽樂也濁水東逕望蔡縣又東

逕建城縣縣出然石元康中雷孔章入洛賈石以云張

公張公曰此謂燃石按謝琰以勳封望蔡公謝玄以勳封康樂公

新淦

通典吉州新淦縣漢舊縣寰宇記廢新淦縣城在今縣北一百二十里輿地志云漢

時南昌都尉所理之城吳後主分新淦石陽兩縣水經置巴丘縣按州郡志巴丘吳立隋志氣置巴山郡

注牽水東逕新淦縣而注於豫章水吳志周瑜傳討江

夏還定豫章廬陵畱鎮巴丘寰宇記周瑜城今在新淦縣南江表傳曰

時丹陽僮芝自署廬陵太守策畱賁弟輔領兵住南昌

策謂賁曰兄今據豫章是扼僮芝咽喉而守其門戶矣

但當伺其形便因令國儀拔兵而進使公僅爲作勢援  
一舉可定也後賁聞芝病卽如策計周瑜到巴丘輔遂  
得進據廬陵晉書周訪傳賊退保廬陵訪追擊敗之軍  
糧爲賊所掠退住巴丘

### 宜春

通典袁州宜春縣漢舊縣晉改曰宜陽隋復舊又萍鄉

新喻二縣皆漢宜春縣地

州郡志新喻萍鄉皆吳  
立元和志吳寶鼎二年

寰宇

記吳寶鼎二年以宜春入安成郡皇朝雍熙元年析置

分宜縣

萍鄉縣故城在萍鄉縣東四十里廢吳平縣在  
新喻縣一百一里後漢時置爲漢平縣隋廢

入新喻按州郡志靈帝中  
平中立隋志云廢入宜春水經注牽水東逕吳平縣舊

卷之三

八

漢平也晉太康元年改爲吳平吳志周泰補宜春長食

其征賦孫堅爲長沙太守是時廬江太守陸康從子作

走而

廬陵

通典吉州廬陵縣漢舊縣寰宇記廬陵故城在太和縣

廬陵縣後改爲西昌縣晉太康中移郡於元和志吉州

石陽按廬陵郡晉志治西昌宋治石陽此謬說屬安成

永新縣本漢廬陵縣地吳歸命侯所置見前

郡開皇中廢顯慶四年又置舊唐志分寰宇記吉州太

和縣漢爲廬陵縣地西昌故城在縣西三里隋志泰和

西昌十一年更名

東昌故縣在縣西六十里輿地志云吳後主

置隋廢

隋志東昌廢入泰和

遂興故縣在縣南一百七里輿地志

云後漢獻帝立遂興縣吳大帝改曰新興晉武復爲遂

興隋廢

按州郡志不注吳改漢名

又吉陽城在吉水縣東一百二里

輿地志云吳後主二年立

九域志太平興國九年以古吉陽縣置吉水縣

今按

漢末以廬陵爲郡則東昌西昌當卽廬陵縣地置故輿

地志云後改爲西昌其石陽縣則漢久分立晉移郡於

石陽至隋乃卽郡治之石陽改爲廬陵縣樂史又云梁

改西昌爲石陽者非也其太和縣乃西昌所改則太和

縣爲漢廬陵縣實土也吳志孫輔傳策立輔爲廬陵太

守撫定屬城分置長吏呂蒙傳蒙還尋陽未期而廬陵

賊起諸將討擊不能禽權曰驚鳥累百不如一鶚復令  
蒙討之蒙至誅其首惡晉書周訪傳訪圍杜弘於廬陵  
弘大擲寶物於城外軍人競拾之弘因陣亂突圍而出  
宋書武帝紀盧循揚聲不攻雷池當乘流逕下公知其  
欲戰且慮賊戰敗或於京江入海道王仲德以水艦二  
百於吉陽下斷之

贛

通典虔州贛縣漢舊縣又虔化縣漢贛縣地

元和志吳  
實鼎三年

初置新都晉太康元年改爲甯都隋改甯都爲虔化按  
州郡志吳立陽都太康元年更名甯都又宋大明五年  
以虔化屯立虔化縣隋志虔化舊曰甯都寰宇記太平  
興國中析贛縣置興國縣又廬陵縣在縣東一百

五十里吳嘉禾五年置揭陽縣晉改爲陂陽水經注豫章水北逕贛縣南縣

卽南康郡治晉太康五年分廬陵立晉書諸葛長民傳

長民率眾入衛京都因表曰妖賊伐舩集木而南康相

郭澄之隱蔽經年又深相保明屢欺無忌罪合斬刑九

志贛縣有平固鎮桓玄奉安帝爲平固縣王

### 雩都

通典虔州雩都縣漢舊縣

元和志孫權嘉禾五年分廬陵南部都尉理雩都晉志云

孫皓立按吳志皆不載其事

又安遠縣貞元四年刺史路應重奏分

雩都縣地置寰宇記皇朝析雩都縣置會昌縣水經注

湖漢水出雩都縣導源西北流逕金鷄石其石孤竦臨



川耆老云時見金鷄出於石上故石取名焉

南野

舊唐志虔州南康縣漢南野縣吳分南野立南安縣晉

改爲南康又信豐縣永淳元年分南康置南安縣天寶

改爲信豐

寶字記偽唐又析

神龍元年分南康置大庾

縣

寶字記大庾嶺一名臺嶺在縣西南二十里劉闢之

南康記云昔漢將軍楊僕討呂嘉出豫章下橫浦卽

今縣西南晉書盧循傳徐道覆密欲裝舟艦乃使人伐

舩材於南康山僞云將下都貨之後稱力少不能得致

卽於郡賤賣之價減數倍居人貪賤賣衣物而市之贛

石水急出舩甚難皆儲之如是者數四故舩板大積而

百姓弗之疑及道覆舉兵按賣券而取之無得隱匿者  
乃并力裝之旬日而辦遂舉眾寇南康廬陵豫章諸郡  
守相皆委任奔走

### 南城

通典撫州南城縣漢舊縣寰宇記皇朝改爲建昌軍元和志撫州南

豐縣本漢南城縣地吳少帝分爲南豐縣吳志張昭傳  
督領諸將攻破豫章賊率周鳳等於南城

### 鄱陽

通典漢鄱陽縣故城在饒州鄱陽縣東寰宇記在彭蠡湖東鄱水之北

又廢廣晉縣在縣北一百五十里按元和志開皇九年  
州郡志吳立廣昌太康元年更名

改廣晉爲鄱陽又浮梁縣武德五年析鄱陽東界置新

平縣天寶元年改名浮梁

按晉宋志鄱陽治廣晉縣而別有鄱陽縣沈約云立郡治

赤烏八年徙治吳芮故城然則吳芮城卽廣昌縣所置在是蓋隋避諱改爲鄱陽雖從舊名實非漢縣若如寰

宇記云故鄱陽縣卽吳芮所居之城又云廣

晉縣在鄱陽縣北云云則與沈志牴牾不合

吳志董襲

傳鄱陽賊彭虎等眾數萬人襲與凌統步騭蔣欽各別

分討襲所向輒破虎等望見旌旗便散走旬日盡平賀

齊傳鄱陽民尤突受曹公印綬化民爲賊齊與陸遜討

破突斬首數十餘黨震服周魴傳黃武中

西

年鄱陽大帥

彭綺作亂攻沒屬城乃以魴爲鄱陽太守與胡綜戮力

致討遂生禽綺送詣武昌

寰宇記彭綺城在饒州樂平縣東

陸遜傳嘉

禾六年中即將周祗乞於鄱陽召募事下問遜遜以爲  
此郡民易動難安不可與召恐致賊寇而祗固陳取之  
郡民吳遽等果作賊殺祗攻沒諸縣豫章廬陵民屬惡  
並應遽爲亂遜自聞輒討卽破遽等相率降遜料得精  
兵八千餘人宋書虞丘進傳除鄱陽太守統馬步十八  
隊於東道出鄱陽至五畝嶠循遣將英糾爲上饒令千  
餘人守故城進攻破之循又遣童敏之爲鄱陽太守據  
郡進從餘千步道趣鄱陽敏之退走追破之斬首數百  
復隨劉藩至始興討斬徐道覆

歷陵

通典江州潯陽縣有蒲塘驛卽漢歷陵縣今驛前有敷

淺原在西數十里有傳陽山寰宇記江州德安縣其地舊屬柴桑後遂分三鄉於

敷淺水之南爲場以地有蒲塘爲名僞吳順義元年昇

爲德安縣傳陽山在縣南十三里敷淺水源從瑞昌縣

及鄂州永興縣界屈曲二百里吳志天璽元年鄱陽定

方至縣按瑞昌縣南唐時立歷陽陽字誤山石文理成字凡二十云楚九州渚吳九

餘汗

州都揚州士作天子四世治太平始

通典饒州餘干漢餘汗縣又樂平縣吳舊樂安縣弋陽

吳舊葛陽縣隋改爲弋陽元和志樂平縣本漢餘汗縣

地後漢靈帝於此置樂安縣寰宇記樂安廢城在饒州德興縣東一百五十里按

州郡志注上饒樂安葛陽三縣云  
吳立以吳志攷之知皆為漢立 又弋陽縣後漢分餘

汗東界立葛陽縣開皇中因失印改為弋陽又信州上

饒縣吳所置 寰宇記隋開皇九年廢上饒入 又永豐縣 葛陽按此亦分餘汗置漢所立

本弋陽縣進賢鄉永豐里乾元元年置 寰宇記元和六年廢 又貴

溪縣永泰元年割樂平餘干二縣置在貴溪口 寰宇記鉛山縣

偽唐析上饒弋陽二縣 吳志程普傳還過豫章別討樂

安樂安平定蔣欽傳策東渡拜別部司馬從定豫章調

授葛陽尉 此尉字當為長字 建安十年使賀齊討上饒分為建

平縣

鄒陽

按其地當在餘汗縣北水經注贛水北逕鄒陽縣餘水注之水東出餘汗縣北至鄒陽縣注贛水

### 彭澤

通典江州彭澤縣漢舊縣梁置太原郡領晉陽等四縣

隋並廢之

隋志梁太原郡領彭澤晉陽和城天水平陳并廢

置龍城縣尋改爲

彭澤又都昌縣漢彭澤縣地

元和志武德五年分置彭澤故城在縣北四十五里

陶潛爲令理此城彭蠡湖在縣西六十里與潯陽縣分湖爲界水經注循水東北注贛

水總納十川同臻一瀆俱注於彭蠡吳志江表傳策聞

廬江太守劉勳輕身詣海昏使分遣從兄賁輔率八千

人於彭澤待勳自與周瑜襲皖城賁輔於彭澤破勳勳

走入楚江劉繇傳南保豫章駐彭澤笮融先至殺太守

朱皓入居郡中繇進討融爲融所破更復招合屬縣攻

破融融敗走入山爲民所殺呂範傳拜裨將軍領彭澤

太守

按亦是  
暫置

以彭澤柴桑歷陽

亦是歷  
陵之訛

爲奉邑晉書周

訪傳訪與甘卓等會於彭澤與華軼水軍將朱矩等戰

又敗之華軼傳元帝承制改易長吏軼不從命於是遣

左將軍王敦都督甘卓周訪等討之軼遣別駕陳雄屯

彭澤以拒敦自爲舟軍以爲外援武昌太守馮逸次於

湓口訪擊逸破之元興三年桓玄使武衛將軍庾稚祖

江夏太守桓道恭帥數千人就何澹之等共守湓口何



無忌劉道規至桑落州澹之等引舟師逆賊澹之常所乘舫羽儀旗幟甚盛無忌曰賊帥必不居此欲詐我耳宜急攻之眾曰澹之不在其中得之無益無忌曰今眾寡不敵戰無全勝澹之既不居此舫戰士必弱我以勁兵攻之軍中驚擾無忌之眾亦以爲然乘勝進攻澹之等大破之克湓口進據尋陽劉毅傳將率軍南征裕與毅書曰吾往與妖賊戰曉其變態今修船垂畢將居前撲之克平之日上流之任皆以相委又遣毅從弟藩往止之毅大怒謂藩曰我以一時之功相推耳汝便謂我不及劉裕也投書於地遂以舟師二萬發姑熟道覆報

盧循曰劉毅兵重成敗繫此一戰宜併力拒之循乃引

兵發已陵與道覆連旗而下毅次於桑落洲與賊戰敗

績棄船以數百人步走餘眾皆爲賊所虜

通典都昌縣有桑落洲

宋書武帝紀循聞大軍上欲走向豫章乃悉力柵斷左

里

寰宇記左里城在都昌縣西北四十里

大軍至左里將戰公所執麾竿

折幡沈水眾並恠懼公歡笑曰往年覆舟之戰幡竿亦

折今者復然賊必破矣卽拔柵而進循兵雖殊死戰弗

能禁諸軍乘勝奔之循單舸走所殺及投水死凡萬餘

人

按晉志元帝渡江置尋陽郡又置九江上甲二縣安帝義熙八年省上甲入彭澤縣攷魏志曹洪傳就揚

州刺史陳溫募兵得廬江上甲二千人周訪傳察孝廉除上甲令是漢季先有上甲縣晉志失載或經省能不

始於元  
帝也

柴桑

通典江州潯陽縣南楚城驛即舊柴桑縣元和志故城在縣西南二

里寰宇記晉初尋陽郡理在江北岸地名蘭成温嶠移

於此偽唐改潯陽為德化縣皇朝以星子鎮分置星子

縣為南康軍按晉志元帝省九江縣入潯陽義熙八年

尋陽入柴桑故沈志有柴桑縣柴桑仍為郡此從前以

潯城縣舊曰柴桑半陳廢汝南柴桑二縣立尋陽縣大

業初改名潯城舊唐志武德四年復為潯陽此後來以

柴桑入潯陽故寰宇記後廢柴桑為潯陽於是潯陽柴

桑合一縣而名異又攷沈志無彭澤縣則宋吳志徐盛

嘗以彭澤并入柴桑而梁時復置隋復省也

傳守柴桑長拒黃祖祖子射嘗率數千人下攻盛盛時

吏士不滿二百與相拒擊傷吏士千餘人已乃開門出戰大破之射遂絕迹不復爲寇周瑜傳還備宮亭江夏

太守黃祖遣將鄧龍將兵數千人入柴桑瑜追討擊生

虜龍送吳

水經注廬山下有神廟號曰宮亭廟故彭蠡亦有宮亭之稱元和志宮亭湖在潯陽縣東

南九潘璋傳拜偏將軍領百校屯半洲

吳志五子傳以慮假節開府治

半洲晉書庾傳詔傳自魏興率所領屯半洲元和志在潯陽縣西九十里呂範傳劉備詣

京見權範密請留備後遷平南將軍屯柴桑權討關羽

過範館謂曰昔早從卿言無此勞也陸抗傳亦爲九年

遷立節中郎將與諸葛恪換屯柴桑

按陳壽此下詳敘兩處屯營事而上

文文曾無抗所屯處壽之敘事往往如此晉書劉胤傳咸和初爲平南軍司

蘇峻作亂溫嶠率眾而下畱紇等守湓口

毛寶傳祖約遺祖煥桓撫

等欲襲湓口陶侃將自擊之寶曰義軍恃公公不可動

實請討之侃顧謂坐客曰此年少言可用也桓宣傳宣

欲南投潯陽值祖煥將襲湓口遣眾攻宣毛寶擊煥破之代嶠為平南將軍都督江

州紇位任轉高矜豪曰甚大殖財貨商販百萬時朝廷

空罄百官無祿惟資江州運漕而紇商旅繼路以私廢

公有司奏免紇官郭默傳徵為右軍將軍當發求資於

僮投之水中忿憤益甚僞人蓋肫謂默曰劉江州不受

免密有異圖與長史周滿等云當先除郭侯而後起事

禍將至矣默便率其徒候旦門開襲紇紇尚與妾卧牽

下斬之默欲南據豫章而陶侃已至城下築上山以臨

之諸軍大集圍之數重默將張桓伊傳伊到鎮上疏以

丑宋侯遂縛默降即斬於軍門桓伊傳伊到鎮上疏以

江州虛耗連歲不登今餘戶有五萬六千宜併合小縣

除諸郡逋米移州還鎮豫章詔令移州尋陽則先時皆在潁口

其餘皆聽之

通鑑劉毅奏稱江州內地以治民為職不當置軍府雕耗民力宜罷軍府移鎮豫章

而尋陽接蠻可即州桓玄傳王恭又與庾楷起兵討江府千兵以助郡戍

州刺史王愉仲堪給玄軍五千人與楊佺期俱為前鋒

玄佺期至石頭庾楷戰敗奔於玄軍

庾楷傳及玄等盟於柴桑連名上疏

自理詔赦玄等而不赦恭楷楷遂依玄乃各迴軍西還屯於尋陽共相結

約推玄為盟主

艾

通典洪州建昌縣有楊柳津止遼津後漢艾縣

寰宇記洪州分

甯縣有水經注循水出艾縣西東北逕豫甯縣故西安古艾城

縣晉太康元年更從今名循水又東北逕永循縣

州郡志作

永修漢志

漢靈帝中平二年立東北注贛水

實字記修水在分甯

縣南二百二十步按水經注云修水艾縣南東流屈曲六百三十八里出建昌城一百二十里入彭蠡湖按樂

史約鄭氏之旨

非必是原文也吳志太史慈傳劉表從子磐饒勇數為

寇於艾西安諸縣策於是分海昏建昌左右六縣以慈

為建昌都尉治海昏并督諸將拒磐磐絕迹不復為寇

寰宇記幕阜山在分甯縣二百九十里太史慈督兵拒磐於此山置營幕乃名焉按此則西安在建安前當是

分艾潘璋傳遷豫章西安長劉表在荊州民數被寇自

璋在事寇不入境

海昏

舊唐志洪州建昌縣漢每昏縣

元和志縣東三里故海昏城昌邑王賀所封

寰宇記洪州武甯縣漢建安中分海昏立西安縣晉太

康元年改爲豫章隋廢長安四年分建昌置武甯水經

注繚水又逕海昏縣謂之上繚水又謂之海昏江分爲

二水其水東北逕昌邑城

按昌邑是王賀故封在山而陽郡鄆注是沿俗稱非也

東出豫章大江謂之慨口王賀之封海昏也每乘海東

望輒憤慨而還世因名焉吳志太史慈傳注曰慈從豫

章還見策曰華子魚良德也然非籌略才無他方規自

守而已又丹陽僮芝自擅廬陵詐言被詔書爲太守鄱

陽民帥別立宗部阻兵守界不受子魚所遣長吏言我



以別立郡須漢遣真太守來當迎之耳

按鄱陽立郡與爾時相去幾二

十年其桀黠之民已規立郡蓋世亂則州郡不能

子魚

不但不能諸廬陵鄱陽近自海皆有上繚壁有五六千

家相結聚作宗伍惟輸租布於郡耳發召一人遂不可

得子魚亦覩視之而已策拊掌大笑劉勳新得袁術眾

時豫章上繚宗民萬餘家在江東策勸勳攻取之

魏志劉曄

傳策遣使卑詞厚幣以書說勳曰上繚宗民數欺下國

忿之有年矣擊之路不便願因大國伐之上繚雖小城

堅池深攻難守易不可旬日而舉則兵疲於外而國內

虛策乘虛而襲我則後不能獨守是將軍進屈於敵退

無所歸若軍必出禍今至矣勳不從興兵伐上繚策果

敗其後勳窮

遂奔太祖程普傳伐太史慈備海昏

平都

元和志吉州安福縣本漢安平縣後漢改爲平都吳分

置安成郡隨廢郡爲縣安復縣武德中改爲安福

寰宇記廢

平都縣在安福縣南百步

按州郡志安成郡治平都縣而云屬豫章

安復縣本名安成屬此二縣本自別境不應豫章之平

都卽在長沙之安成寰宇記敘此尤爲雜亂攷蕭子顯

南齊志安成郡并列平都安復二縣至隋志廬陵郡只

有安復縣則隋時以平都併入安陵也然後來之安復

縣亦非晉宋之舊故寰宇記又云安福縣六十里有

安成故城在而通典於吉州安福縣下云吳置安成郡

於此則安福實爲安平都縣地晉書華軼傳前江州刺史衛展不爲軼所禮心常快快至是與豫章太守周廣爲內應潛軍襲軼軼眾奔潰於安成追斬之宋書彭城王義康傳徙討安成以甯朔將軍沈邵爲安成公相領兵防守義康在安成讀書見淮南厲王長事廢書嘆曰前代乃有此我得罪爲宜也

## 石陽

寰宇記石陽故城在吉州廬陵縣北六十里輿地志云後漢和帝分新淦縣爲石陽縣隋改石陽爲廬陵

桓玄傳玄

篡位降琅瑯王爲石陽縣公

臨汝

通典撫州臨川縣漢臨汝縣隋改爲臨川

元和志和帝永元八年析

南城縣爲臨汝縣寰宇記則云分南昌西北境立臨汝縣

又州郡志吳立西平縣晉

更名西豐寰宇記隋并入臨川元和志撫州崇仁縣本

臨汝縣地吳太平二年分臨汝爲新建縣梁改巴山縣

隋開皇中改爲崇仁縣

隋志梁大豐新安巴山新建興平豐城西甯七縣並廢人寰宇

記又廢宜黃安浦入崇仁其廢新建縣在縣西南九十

五里廢安浦縣在縣西南二百六十里廢西甯縣在縣

南六十三里皆吳太平二年置按晉志省西甯縣宋齊

志無之則永初志所省又吳立宜黃縣寰宇記以爲梁

置巴山郡因立宜黃晉書王愉傳愉至鎮未幾殷仲恭

縣非也具見晉宋志

桓玄等舉兵應王恭乘流奄至愉旣無備惶遽奔臨川

爲立所得立盟於尋陽以愉置壇所愉甚恥之

### 建昌

舊唐志洪州建昌縣後漢分海昏立

寰宇記今屬南康軍雷次宗豫章記

云中平中又中分海昏建昌立新吳永修二縣宋元嘉二年廢海昏移建昌居焉孫慮城在縣南一百里黃武七年封吳志潘璋傳比縣建起爲賊亂轉領建昌加武建昌侯

猛校尉討治惡民旬月盡平

### 後漢書疏證卷二十二